

نهاية لابد منها ! .. الحلقة) 20 (..

#رمضان_قرب_باللا_نقرب_الموسم_الثالث_.. د . حازم شومان

حازم شومان

انت تعبانة انما انا مش هتعب انا لازم اتنافس على حوض النبي عليه الصلاة والسلام عليكم ورحمة الله وبركاته. شبابنا وبناتنا اخواني واخواتي كل سنة وانتم طيبين وكل رمضان وانتم بخير. النهاردة مع شعبة جديدة من شعب الايمان العظيمة. ومع سبب من اسباب النجاة من الخلود - 00:00:00

في جهنم ومع سبب من اسباب جوار الله في الفردوس الاعلى. النهاردة مع شعبة الايمان بالدار الاخرة. والايمان باليوم الاخر والبعض والنشور والنار معنى جبار يا جماعة. معنى جبار الواحد بيقف قدام ايات اليوم الاخر وهو مزهول. من الايات اللي بتبهر قلب الواحد قول الله سبحانه وتعالى. يوم يفر - 00:00:30

المرء من اخيه وامه وابيه. اقول يا رب ازاي؟ ده انا لو في بلد غربة وحاسس بالوحشة ولقيت امي او ابويا او اخويا هاخدكم بالحضن من الوحشة اللي انا فيها الانسان في الغربة بيجري على اللي يعرفهم. مش بيهرب من اللي يعرفهم. ايه الاحوال اللي يومها؟ اللي هتخلي الانسان يشوف احب الناس اليه ويهرب منهم - 00:00:50

هو ايه اليوم الاخر ده! اليوم الاخر يا جماعة مش شعبة من شعب الايمان بس. ده ركن من اركان الايمان. لان الايمان باليوم الاخر ده بيوفر طاقة جبارة جوة قلبك وقلبك - 00:01:10

بيخليك انسان جديد تماما انسان تاني تماما. ويخليك تاخذ قرارات ويخرج منك عزيمة عمرك ما تخيلتي انك تبقي الانسانة دي كده حلقة النهاردة مشاهد مذهلة. مشاهد مبهرة. كل انسان امن بجزء من جزئيات الدار الاخرة. عملت في حياته ايه وغيرت في حياته ايه؟ لما - 00:01:20

الايمان بنعيم وعذاب القبر في قلب سيدنا عثمان. ابن عفان رضي الله عنه كان يقف يبكي قدام القبر. يقولوا له اذا ذكرنا القيامة لا تبكي واذا ذكرنا القبر تبكي ثلاث ايام يبكي لما يقف قدام قبر فكان يقول ان امرا هذا اوله لحري بان يستعد له - 00:01:40

ان امرا هذا اوله لحري بان يستعد له. وان امرا هذا اخره لحري بان يزهد فيه. لما الايمان بحوض النبي صلى الله عليه وسلم يوم القيامة جه في قلب انسان عمل في حياته ايه - 00:02:00

لما جه الايمان بان احنا نقابل النبي عليه الصلاة والسلام على الحوض. خلى ابو مسلم الخولاني عزيمته تتغير في قيام الليل. فكان جايب كرباك كده بيجلد رجله في قيام الليل لما بعد ثلاث اربع ساعات رجله تمل وتتعب ويقول قومي فوالله لازلحظن بك زحفا. ابحسب اصحاب محمد - 00:02:15

ان لم يخلفوا ورائهم رجالا قومي فوالله لنزاحمهم اليه على الحوض حتى والله لا نزاحمهم اليه على الحوض حتى تعلمي ان الكللك منك لا مني. انت تعبانة انما انا مش هتعب انا لازم اتنافس على حوض - 00:02:35

النبي عليه الصلاة والسلام لما الايمان بالصراط جه في قلب انسان. عمل ايه؟ لما الايمان بالصراط جه في قلب انسان حصل ايه؟ لما جه في قلب سيدنا ابو طلحة دخل في مشهد من المشاهد العجيبة. على زوجته ام سليم وحط راسه على رجلها وقعد يبكي. وقعد يبكي. فتقول له ما يبكيك؟ فقال ذكرت قول الله - 00:02:55

وتعالى. وان منكم الا واردها كان على ربك حتما مقضيا. ثم ننجي الذين اتقوا ونظروا الظالمين فيها جثية. ان منكم ولحظة العبور من

على الصراط. يعني ممكن لحزة واحدة من الدار الاخرة تغير حياة انسان زي بالزبط العرض على الله. لما فجر طاقات جبارة من جوة قلبك - [00:03:15](#)

سيدنا عبدالله بن جحش وهو داخل غزوة احد وقاعد بيدعي فبيقول اللهم ارزقني اليوم رجلا كافرا شجاعا صنيديا يقتلني قربطني ويقطع اذني ويجدع انفي فالفاك يا رب بدمي. فتقول عبدي لما فعل بك هذا؟ فاقول فيك يا رب ده - [00:03:35](#)

لحظة العرض على الله خلته يضحى بعمره. خلته يتقطع تحت في الجهاد في سبيل الله. لما الايمان بالجنة جه في قلب انسان فجر من جواه طاقات قد ايه بقول لكم يا اخوانا الكلمة دي مشاهد مذهلة. مشاهد لا تتخيل ان في انسان ممكن تنبعث من جواه طاقة. انه يعمل كل ده ويضحى كل التضحيات دي. ولكن الدار الاخرة كانت - [00:03:55](#)

السبب في كل ده تتخيل لما واحد من المسلمين في معركة من معارك الجهاد في سبيل الله تقطع ذراعه. وهو يعني تفضل جلدة كده بين ذراعه وبين جسده. ومش عارف يقاتل بالسيف بايده الثانية. ذراعه قاعد يطلع وينزل. فيضع يده اللي هو المقطوعة على الارض. ويضغط - [00:04:15](#)

عليها بدمي ويقطعها ويلقيها بيده الاخرى ويقول اسبقيني الى الجنة. انت اول قطعة من جسمي هتدخلني الجنة لانك قطعت في سبيل الا ويكمل القتال في سبيل الله ابتغاء الشهادة. ايه ده! الجنة غيرت حياة ناس. لهذه الدرجة. الجنة خلت عمير بن الحمام في غزوة بدر قبلها بياكل - [00:04:35](#)

مجموعة من التمرات فالنبي عليه الصلاة والسلام قال قوموا الى جنة عرضها السماوات والارض. بص للثلاث اربع تمرات اللي في ايده وقال لئن عشت حتى اكل هذه التمرات. انها حياة طويلة والقى التمرات وانطلق. يقاتل في سبيل الله - [00:04:55](#)

سيدنا انس ابن الناضر لما شم ريحة الجنة في غزوة احد والصحابة متقطعين ويمثل بجثثهم. انطلق وقال واها لريح الجنة. اني لاجد ريح الجنة دون احد سعد بن خيثمة خارج لغزوة بدر. ابوه قال له اترني. خليني انا اللي اخرج. وكان واحد بس راجل اللي يخرج من البيت. قال يا ابتي - [00:05:11](#)

لو كان غير الجنة لاثرتك به. دي الجنة. انا في الجنة ما اعرفش ابويا. مش انا في الفلوس ما اعرفش ابويا انا في الجنة ما اعرفش ابويا. لما الايمان بالنار جه في قلب انسان - [00:05:37](#)

فجر جواه طاقات قد ايه؟ معاذ ابن عفراء كان كل ما يجي له فلوس يتصدق بها. مراته لقتهم فقراء. كلمت اخواتها يكلموه. اخواتها بيكلموه مش كل حاجة بها. قال لهم كلمة جبارة يا جماعة مشاهد مذهلة. قال لهم ابت نفسي الا ان استتر بكل شيه اجده من النار. انا - [00:05:47](#)

افضي نفسي من النار بكل حاجة. الايمان بالدار الاخرة بتغير كل حاجة في حياتك. وفي حياتك عشان كده النبي عليه الصلاة والسلام يقول من كان يؤمن بالله واليوم الاخر فليقل خيرا او ليصمت. بتغير اسلوب كلامك اصلا والله في ستايل بتاع لسانك. في الحياة من كان يؤمن بالله واليوم الاخر فليصل رحمه. من كان يؤمن بالله - [00:06:07](#)

واليوم الاخر فليكرم ضيفك بتغير اخلاقك. معاملاتك كلماتك الفاظك بتغير كل حاجة. الايمان بالدار الاخرة. يا جماعة قضية الدار الاخرة قضية كبيرة جدا وقضية خطيرة جدا. والايمان هو اللي هينفعك يوم القيامة. عشان كده الايمان مش هينفعك غيره في القبر. يثبت الله الذين امنوا. بالقول الثابت في الحياة - [00:06:27](#)

الدنيا وفي الاخرة قالوا في الاخرة في القبر. تقولي ربي الله ديني اسلام نببي محمد. الايمان هو اللي ربنا بيثبتك بسببه في القبر. الايمان هو اللي بتعدي بسبب من على الصراط يوم ترى المؤمنين والمؤمنات يسعى نورهم وهم بيعدوا من على الصراط بسبب

الايمان بتاعهم. هم درجات عند الله. الايمان مراتب - [00:06:47](#)

درجات هم درجات عند الله ولان الايمان درجات فكل حاجة ربنا بيعامل العباد بها. درجات الم الموت درجات من اول النازعات غرقا الالم الرهيب في خروج الروح لحد الناشطات ناشطة خروج الروح السال. بنشاط الروح منطلقة للجنة مش رايحة للساحل الشمالي.

دي رايحة للجنة ما بين - [00:07:07](#)

بين دي وما بين دي درجات رهيبية على حسب الايمان يا جماعة. نعيم وعذاب القبر درجات عشان كده في ناس بيفتح لها في القبر. سبعين ميل حاجة يعني مسافة معينة - [00:07:27](#)

وفي ناس بيفتح لها في القبر مد البصر على حسب الايمان. حتى الجنة درجات فيها من كل فاكهة زوجان دي جنة وفيها فاكهة ونخل ورمان دي جنة تانية اقل منها على حسب الايمان. هم درجات عند الله - [00:07:37](#)

عشان كده الايمان باليوم الاخر على حسبه بيكون معاملتك من الله ومعاملتك من الله في كل حاجة دنيا واخرة. طب نحصل الايمان باليوم الاخر ازاي اول حاجة الصحابة حددوا منهجهم في صحيح مسلم اللي النبي عليه الصلاة والسلام رباهم عليه. نكون عند رسول الله فيحدثنا عن الجنة والنار - [00:07:53](#)

يوميا بيقتعدوا مع النبي عليه الصلاة والسلام يكلمهم عن الجنة والنار. مش هقول لك يوميا اسمعي درس عن الجنة والنار. مش هقول لك كل يوم ولكن كل اسبوع. كل اسبوع اسمع درس عن الجنة - [00:08:13](#)

كل اسبوع اعمل لك ورد كده مسلا كل يوم خميس مسلا بالليل مسلا او كل يوم سبت مسلا بعد الفجر ايا ما كان. هتقتعد تسمع درس من سلسلة عن الجنة والنار. لازم يا جماعة ده اول حاجة لتقوية الايمان بالدار الاخرة. اخوانا الايمان بالدار الاخرة دي انا مش هاقول لك هتبقى هيركليز. ولا اقول لك هتطوعي الافطار ولا - [00:08:23](#)

هتبقى الرجل الاخضر وتتحول. انما فعلا هتبقى عملاق في الحياة. هينتهي الكسل والعجز من حياتك. هتبقى انسان عندك همة جبارة في الايمان المستمر بلا توقف بازن الله سبحانه وتعالى الا ما كان من الفتور الطبيعي اللي لازم يبجي لكل انسان. السماع عن الدار الاخرة. اتنين زيارة المقابر. زيارة - [00:08:43](#)

روحي زور القبر اللي انت لو مت النهاردة هتدفني فيه. رح زور القبر اللي انت لو مت هتدفن فيه. او رح زور قبر مفتوح وادخل واقعد فيه شوية كده. وقل لو اتقفل - [00:09:03](#)

علي هندم على ايه الكلام ده بيفجر الايمان والعزيمة الايمانية في القلب او اشترى كفن وعينه في الدولاب بتاعك. واكتب في وصيتك ان الكفن ده هو اللي تتكفن فيه لو انت مت - [00:09:13](#)

وشف بقى الكفن اللي انت هتتكفن فيه لو انت مت ده ريال تي في بقى ده ريال ده حاجة واقعية. ده الكفن اللي انا هكفن فيه لو انا مت كل ما تفتح الدولاب وتشوفه جنب هدومك - [00:09:23](#)

التانية تفتكر ان ده لبسك لمدة كذا الف سنة في يوم من الايام الى ان تقوم الساعة. يبقى ساعتها هتعمل حساب هذا الكفن اللي بلا جيوب التوصية الثالثة الصحبة الصالحة. طب ايه علاقة الصحبة الصالحة بالدار الاخرة؟ قال تعالى الاخلاء يومئذ يوم القيامة بعضهم لبعض عدو. الاخلاق الاناتيه - [00:09:33](#)

الشلل اللي كانت قريبة من بعض. بعضهم لبعض عدو الا المتقين. الصحبة الصالحة هي الوحيدة اللي تنفعك يوم القيامة. ولا صديق حميم. الصديق الحميم في الصحبة الصالحة هو الوحيد اللي هينفعك يوم القيامة. عشان كده انت بتدخر ليوم القيامة مع كل صاحب صالح. بتتعرف عليه. نشد يا سيدي. ده الشاب بيرسم على البنت - [00:09:53](#)

عشان يتعرف عليها ارسم يا عم على الصحبة الصالحة. عشان يبقى لك شفعاء عند الله يوم القيامة. وسند يوم القيامة يسعى نورهم بين ايديهم وبايمانهم. وهم بينوروا البعض رمضان قرب ياللا تقرب رمضان الايمان الشعار بتاعنا واحنا بنستعد لرمضان السنة دي ازاي يتفجر الايمان في قلوبنا قبل رمضان عشان يبقى رمضان العمر بجد - [00:10:13](#)

ندخل واحنا والايمان المخدر جوة قلوبنا في حالة يقظة وينابيع الايمان بتتفجر من قلوبنا. ندخل رمضان بعزيمة ايمانية جبارة وايدهم بروح منه ربنا يفتح علينا فيه. بازن الله. نسأل الله سبحانه وتعالى اللهم بلغنا رمضان. واجعلنا فيه من الفائزين. اللهم -

[00:10:33](#)

ليلة القدر واجعلنا فيها من الفائزين. اللهم ارزقنا الفردوس الاعلى. اللهم ارزقنا الفردوس الاعلى. اللهم ارزقنا الفردوس الاعلى. اللهم ادخلنا الجنة بلا حساب ولا عذاب. اللهم امين - [00:10:53](#)